



Jens NapátôK'
Inatsisartunut ilaasortaq
Naleraq
inatsisartut@inatsisartut.gl

Illut sanaqataaffiusut pillugit § 37 naapertorlugu apeqquteqaammut 069-2025-mut akissut

Dato: 01. juli 2025
Sagsnr.: 2025 - 13176
ID. nr.: 98371824

Asasara Jens NapátôK'

Inatsisartut suleriaasianni § 37 naapertorlugu illut sanaqataaffiusut pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1: Sooq innuttaasut 25.000 koruuninik akiliilluni sanaartornermut atortut qinnutigisinnaanngilaat, naak tamanna Inatsisartut inatsisaatsigut aalajangerneqarluartoq?

Akissut: Innuttaasut akileeqataassutissanik 25.000 koruuninik akiliillutik qinnuteqarsinnaanerat illunut sanaqataaffiusunut taarsigassarsititsisarnermut Inatsisartut inatsisaata allanngortinneqarnera pillugu Inatsisartut inatsisaanni, 1. januaari 2025-mi atuutilersumi nassaarineqarsinnaavoq, taamaattumillu atuuttuulluni.

Inatsimmi § 2 naapertorlugu illunut sanaqataaffiusunut taarsigassarsititsisoqartarpoq, aammalu § 27 a-mi allassimavoq, kommunalbestyrelsi pisortatigoortumik illumik sanaqataaffiusumik nutaamik sananissamut pisinissamulluunniit qinnuteqartitsisartussaasoq. Kiisalu aalajangersakkami allassimavoq, qinnuteqartitsineq ukiumut ataasiarluni januaarimi aallarnerfigalugu marsip ulluisa aallaqqaataata tungaanut ingerlanneqartassasoq.

Tassalu sanaqataaffiusumik illuliassanut qinnuteqarnissamut periarfissinneqarnissamut kommunalbestyrelsip pisortatigoortumik illumik sanaqataaffiusumik nutaamik sananissamut pisinissamulluunniit qinnuteqartitsisarnera apeqqutaasussaavoq.

Apeqqut 2: Sanaartornermi atortut 25.000 koruunit sinnerlugit akeqartut piviusunngortinnissaannut suut amigaataappat?

Akissut: Aaqqissuussineq 1. januaari 2025-mi atuutilerpoq, taamaattumillu atornerqarsinnaalluni.

Apeqqut 3: Inatsit atuutilersinniarlugu Naalakkersuisut qanoq iliuuseqarsimappat, qanorlu siuarsimatigaat?

Akissut: Aaqqissuussinermi sullissinissamut ilitersuut juulip qaammataani kommuninut tamanut nassiunneqassaaq. Naalakkersuisunit neriutigineqarpoq ilitersuut nunatsinni

kommunalbestyrelsit pisortatigoortumik illumik sanaqataaffiusumik nutaamik sananissamut pisinissamulluunniit qinnuteqartitsisarnissaannut iluaqutaajumaartoq.

Apeqquut 4: Qaqugu innuttaasut periarfissaq tamanna atorluarsinnaaneraat Naalakkersuisut naatsorsuutigaa?

Akissut: Pisortatigoortumik illumik sanaqataaffiusumik nutaamik sananissamut pisinissamulluunniit qinnuteqartitsinissaq, kiisalu tamatumunnga kommunip ukiumoortumik missingersuutini aningaasanik immikkoortitsisoqarnissaanut qulakkeerinissaq kommunalbestyrelsit akisussaaffigaat.

Apeqquut 5: Kommunit ilaat inatsisinik taakkuninnga malinninniarnatik aalajangersimappat, taamaappat kommunit sorliit aamma sooq?

Akissut: Kommuninik aaqqissuussinerup atuutsinneqalernissaanut peqataarusunngitsunik Naalakkersuisut ilisimasaqanngillat.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Aqqaluaq B. Egede